

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva finansija, Vlada Zeničko-dobojskog kantona, na 100. sjednici, održanoj 10.10.2025. godine, d o n o s i

ZAKLJUČAK

I

Zadužuju se svi budžetski korisnici, da nakon okončanih javnih poziva za dodjelu finansijskih sredstava iz Budžeta Zeničko-dobojskog kantona putem transfera, uz trezorski Obrazac broj 4 - Prijava novog dobavljača, obavezno dostavljaju potvrdu banke o broju i vlasništvu transakcijskog računa novog dobavljača, ne stariju od 6 (šest) mjeseci, kojom se potvrđuje da je transakcijski račun istog solventan, aktivan i da nije blokiran.

II

Zadužuju se budžetski korisnici (ustanove, institucije, uprave i upravne organizacije u sastavu ministarstava, itd.) iz nadležnosti Ministarstva za obrazovanje, nauku, kulturu i sport i Ministarstva unutrašnjih poslova, da dokumentaciju za unos obaveza u Trezor i obračun plaća, dostavljaju putem nadležnih ministarstava, prije nego što istu prosljede Odsjeku za COIP i nadležnim operativnim jedinicama, na unos u sistem Trezora.

Zadužuju se budžetski korisnici (ustanove, institucije, itd.) iz nadležnosti Ministarstva za pravosuđe i upravu, da dokumentaciju za unos obaveza u Trezor, dostavljaju putem nadležnog ministarstva, prije nego što istu prosljede nadležnoj operativnoj jedinici, na unos u sistem Trezora.

Zadužuju se ostale uprave i upravne organizacije u sastavu drugih kantonalnih ministarstava da dokumentaciju za unos obaveza u Trezor i obračun plaća, dostavljaju putem nadležnih ministarstava, prije nego što istu prosljede Odsjeku za COIP i Ministarstvu finansija, operativnoj jedinici Trezor-ostali, na unos u sistem Trezora.

III

Originalna dokumentacija na osnovu koje je stvorena obaveza ostaje kod nadležnih ministarstava i pojedinačnih budžetskih korisnika i predmetom je prethodne interne kontrole transakcijama nastalih obaveza.

IV

Stupanjem na snagu ovog zaključka, prestaje da važi Zaključak Vlade Zeničko-dobojskog kantona, broj: 02-02-22304/11 od 25.08.2011. godine.

V

Zaključak stupa na snagu danom donošenja.

Broj: 02-_____/25

Datum, 10.10.2025. godine

Zenica

PREMIJER

Nezir Pivić

DOSTAVLJENO:

1x Ministarstvo finansija,

1x Svim ministarstvima i drugim tijelima kantonalne uprave,

1x Budžetskim korisnicima, putem nadležnih ministarstava,

1x a/a.